

74242

局志 844

地 130.63

42

1-8

新

昌黎縣志

一 卷

疆
域


區
域

面
積


沿
革

位
置

總監修縣長安新梁仲理




監修教育局長周子文



編纂兼校勘張雲翮



編纂兼校勘王壓叢



舊志序

志者何紀事也事何以紀周官外史掌四方之志小行人掌五物辨每國之宜皆得反命于王俾周知天下之故是志也者所以紀列國之事爲一邦之信史以藏諸太府者也凡山川險易疆域廣狹以及民物之登耗風俗之貞邪妖祥之休咎例得備載使流覽者知鑒焉亦考鏡得失之意也昌黎距神京左輔負山濱海爲上游巖邑其間鍾溟渤之靈發碣石之秀如首陽曠代之清風退之振衰之文藻超前軼後震爍古今蒸蒸乎文獻之邦且地隣畿甸輜軒者首探風謠邑乘一書其所關非淺渺也歲庚戌余奉簡命來蒞茲土簿書之暇出邑志觀之舊本磨滅不可稽考自劍門楊公重編歷明季迄今相去六十餘載其沿革廢建之異質文損益之殊行事湮沒考核無徵誰實司此而謂可以聽其闕略也亦何

昌黎縣志

卷一

序

以稽典故考得失稱一方之備物者乎於是遴邑淹洽之彥廣蒐博採鈔集衆家諮詢父老刪繁補闕覈實闡幽由輿地以至雜述列爲若干卷叅稽之下甯嚴勿濫甯朴勿虛庸者去之眞者存之散佚者收之隱潛者彰之其龐雜口漏之失魯魚亥豕之訛犁然渙然有條不紊洵千秋之掌故也使後之作者披圖閱覽山川陵谷乾象緯星占民俗之尙土物之宜大者禮樂兵刑之務小者人官物曲之能無不燎如指掌其化民成俗之方隨時制宜之策皆于是乎變通焉且也上以佐聖天子觀風之助下以樹億萬載不朽之謨斯志也又何獨一邑之考鏡已也皆康熙十三年歲在甲

寅秋八月文林郎知昌黎縣

瀨澤王曰翼題

舊志序

周禮大宗伯之屬外史掌四方之志凡山川疆域形勝戶口租稅人物風俗及一切規制沿革莫不具載故鄩侯先收天下圖籍使沛公知天下阨塞戶口強弱民所疾苦唐宣宗令韋澳纂次州縣境土風物及諸利害爲一書使周知天下之務此志所由重矣今天子特允閣臣請修天下一統志雖山僻小邑無不奉檄采輯成書以進皆仰體宸衷之留意于四方艱難百姓疾苦也若我昌黎幅幘南臨渤海北負仙臺東控榆關西挹灤江實爲畿左巖邑邑志自昔劍門楊侯重修後時事遞更漸至散軼無徵今者漢澤王侯乃始奉檄而訪故老採遺聞補所未備而又斟酌異同芟繁就簡勒成八卷曰輿地曰營建曰食貨曰官師曰選舉曰人物曰藝文曰雜志凡山川疆域形勝戶口租稅人物風俗及一切規制沿

昌黎縣志

卷一

序

革之故亦旣犁然可觀奕然可風矣時予承乏楚郢未獲一効涓埃茲當鞅掌軍供之下得讀其完書竊嘆王侯之深心大力照曜簡冊而又重有感焉夫間氣之扶輿螭蜿名教之漸摩淪浹結聚于偉人傑士之身爲一邑型望之所歸若孤竹高風爲百世之師退之大文起八代之衰與夫忠孝義烈魁奇倜儻之才頂背相望後先輝映豈不與山川竝麗日月爭光使今日者復得若而人挺生邑中發聞天下則吾邑與吾邑之志雖東比鄒魯南抗伊洛無難也是則予所厚望于邑之人而卽以仰副聖君良相與賢侯勤勤修志之意不更愉快乎康熙乙卯嘉平穀旦楚儲使者邑人張尊德題

舊志序

天子宅中藝極俾宇下郡縣各有誌乘蓋將以攷土壤之渥瘠民物之登耗賢才之隆替風俗之醇薄卽以觀吏治制度之釐舉而因以施治焉受命以治其邦者亦將遵守其籍敬天墾土興賢勤民以無辱天子命典綦重哉匪第祖述漢地理志已也我昌雖邊隅地而碣石溟渤詳於禹貢且爲京畿左輔與漢之扶風埒厥志寧可忽諸舊志廼勝朝萬歷四十有六年劍門楊侯之筆歷今且五十年所矣代經鼎革損益凡幾若不起而修之後世將不可問瀟澤王侯怒如日吾蒞茲土而坐視文獻殘荒方冊斷廢使往者無徵來者無鑒雖天子不吾督而吾夙昔自命之謂何爰乃疲精竭思石室購書浚郊乞獻凡上自象緯日星歲時節候下極山澤戶口風俗土田中備人倫官師沿革奢儉強弱之數宏裁瑣綴罔

昌黎縣志

卷一

序

不詳載俾數十餘年事眉分目列若蝕月復華霧山乍霽書成命吉紱厥端吉肅然曰志也者志不朽也金石雖壽銷泐有時彼峴山之碣觀者幾人而瞻之在前百千歲一日也昌以圉撥餘壤召募子遺王侯爲禳灾虐於天靖盜氛於野昔之堞瓦礫矣今則巖巖重金也昔之鬻茂草矣今則猗猗芹香也昔之氓鴻蒸矣今則版圖鱗集也讀祈澍息風諸祝藹沁心脾斯固以身爲志不銷不泐豈僅摛藻濡毫從楮上作志者比耶乃出其緒餘以成斯帙又辨不傷華質不傷俚班孟堅志地理能翫美於前乎徵往示來奉籍以治茲域仰荅

天子復何忝焉謹并以告後之司牧

康熙甲寅孟稱邑人閻允吉頓首拜撰

舊志序

邑何爲而有志耶志卽志其邑內之所必傳者也邑所必傳志不能置之不傳邑所不必傳志不能竊之使傳要當于合傳之中而得其所由分于分傳之中而得其所由合于合而分分而合之中而得其意之所由存二帝之書詳言天事三王之書詳言人事其意總重在人邑志由來遠矣自楊侯重修今逾五紀我邑侯王公新增刪焉冰成于水而寒于水青出於藍而深於藍內分八綱數目獨無意乎意維何其志輿地營建也非爲輿地營建也意在有奠安土宇整理民社之人其志食貨官師也非爲食貨官師也意在有擢節愛養躬行化導之人若夫選舉人物豈專爲選舉人物志哉意在人之有功名教有維世風耳藝文雜述豈專爲藝文雜述志哉意在人之因文攷實斥妄歸正耳邑有其人一邑之無事無物不盛邑無其人一邑之無事無物不衰志前人所以啓今人志今人所以啟後人何必龍門何必扶風邑各有志志各有意願閱是志者其知夫修是志之意

康熙十三年歲甲寅秋日

昌黎縣志

卷一

序

邑廩生高培謹撰

重修昌黎縣志序

古者循名必責實而劉彥和則曰意徵實而難巧是非謂實之不足重謂實之不易徵也人之修於己則貴實行實學及乎物則貴實心實政安往而不宜求其實者而況舐筆和墨以述以記將以彰文獻備掌故資考鏡以垂之於久遠者而可視爲具文也哉惟是歷代史書之傳多出於名卿鉅手碩學軼才標著三長包羅萬象體大思精事增文減宜其言言摭實矣乃若蜀老猶存知葛亮之多枉秦人不死識符生之受誣甚至索米求金貽後世之口實則甚矣得實之難也況夫竭一二人之才力蒐二百年之遺缺稽蕞爾邑之簡牘而欲文無不核事無不實夫豈易言哉余以同治癸亥筮仕昌黎北瞻碣石南俯渤海以爲壯哉斯土將欲採異搜奇徵文考獻當非盈篇累牘所能竟及觀其縣志舊僅二册自康

昌黎縣志

卷一

序

熙十三年甲寅濩澤王公修輯後杳無賡續夫志乘者一邑之所由考實也自舊修以至於今三周甲子而贏其間政令之因革人材之繼起遺缺殆指不勝屈且一邑而括以二册安保無挂漏未可以春秋之簡而有法爲藉口蓋春秋經也亦史也史之與志記事則同立體則異志乘在隱惡揚善以備輶軒蘭臺之採擇非若史氏囊括宇宙彰善癉惡以正萬世之紀綱者也而何事於簡康對山志武功韓苑洛志朝邑高簡迨古而饒逸氣直可希風班馬後之作者誠無能爲役而讀者或不免疑曰無乃太簡乎矧其不能爲康韓也者余旣爲實事之求乃集邑中張覽軒農部二三有志君子相與訪求名師宿儒而得遷安馬君瑟臣商推校讎悉心蒐輯考證必歸於當採訪必求其真期無一端之不實焉耳昔吾宗司空歷仕州郡居官無赫赫名去後長見思漢史推所以無赫

赫名者必務於實之謂也雖不能至心嚮往之故余之在昌黎亦
惟殫其實心與士民相孚應今者修志猶是心也志之成能詳能
實與否觀者當自得之余則盡心以求其實而未敢定也是爲序

皆

同治四年歲次乙丑孟秋

賜進士出身特用同知直隸州知昌黎縣事何崧泰撰

昌黎縣志

卷一

序

二

序

覈地方之沿革徵人文之興替必於志乘求之縣之有志亦猶國之有史也昌黎南臨渤海北枕碣石爲遼西之門戶河北之屏藩而墨胎氏之遺封韓文公之故里也典章文物蔚然垂數千年亦滋爲邑人士光矣爰考我縣志書續修於有清康熙十三年重修同治五年計至今又六十年於茲其間事物變遷果載籍久於泯闕不將湮沒而莫能考耶况世運遞嬗政教風俗月異日新載筆以記猶恐弗及志書之纂烏可緩也民國六年曾有續修之舉董纂事者爲張君灼輝嗣以時局不寧未克付梓越數載邑令安公宰昌黎覽其山川風俗憬然有感相與商踵修事囑余與張君灼輝齊君星輝李君景陽與任監修責僉曰志書者一邑之文獻也蒐羅未富則失之疏採訪未周則失之漏選擇未精則失之濫考

昌黎縣志

卷一

序

證未確則失之誤必也旁綜廣攬精選慎核約而賅博而不亂此修志者之職也是年冬設立專局乃徵求熟悉地方情形及積學之士分任採訪審察事復延聘田君梅石喬君子琴從事編纂未週歲書成觀其體裁合槩考據詳明補苴搜羅罔有遺佚允一邑之信史焉吾知邦人君子覽於斯志必當撫今思昔觀感興起則縣志之輯攸關於地方也不綦重哉

中華民國十七年冬周祐撰

重修昌黎縣志序

嘗攷周官外史掌四方之志此後世郡縣志所由昉也昌黎輿地肇自孤竹由商而周秦漢晉或隸中國版圖或爲異族割據芒芒禹迹相延以迄於今其事故豈渺也哉查昌黎縣志創始者爲前明楚公孔生繼續者爲楊公于陞有清時代續修者康熙十三年則爲王公曰翼同治四年則爲何公崧泰迄今六十餘年城郭山川猶是也而其間人材仕宦節義文章區分類別又加以民國肇造百度維新學校政令與前代異社會交通與前代異局所之經營建設之支配風俗之傳播以及職官之改易戰事之經過莫不與前代異使非急行修正日久湮沒失傳不將有文獻無徵之慨歟幸民國六年前縣長金公良驥留心掌故提倡重修將蒞事而去任十七年前縣長唐公魁斌賡續編輯又經戰事而擱淺余於

昌黎縣志

卷一

序

二十年承乏斯邑奉河北省政府訓令飭本縣重修志書因之開會公議聘張君雲翮王君壓叢李君宗蓮編纂委教育局局長周君子文監修各機關諸君擔任採訪余於公餘之暇披閱續修新稿非不蔚然可觀惟所登錄之碑文與景物之歌詠連篇累牘美不勝收而對於世道人心多無關係不揣僭妄酌爲刪削委因纂修宗旨總以省政府暨通志館所發志料概要爲根據舉凡缺者補之誤者正之信者仍之冗者汰之務使詳而明簡而該下可垂一邑之令典上可備國史之搜求而異日文化之進行政令之完善亦與有補助焉謹弁數言以誌雪泥鴻爪云爾

中華民國二十年仲秋

開原陶宗奇誌

序

昔邱文莊公有言曰世有千載不刊之書無百年不葺之志可知信今傳後端賴乎志志也者爲政之先資也余於民國二十年秋承乏昌黎與前陶縣長交代有縣志一宗尙待繼續進行詢其原由蓋時歷十數年官經五六任而作輟擱淺迄未成書者乃商之監修周君子文仍敦請編纂採訪各員任勞工作期達到完善之目的焉余竊思天下事往往樂於觀成難於謀始昌志之修係依據六年十七年而賡續者惟查通志館徵集志料花樣翻新門境特闕俱應屬詞比事縷析條分事屬於因而實難於創今余會逢其適未宣謀始之勞獲收觀成之效何辛如之抑又思國家之盛衰一邑之積也一邑之盛衰國家之漸也盛衰之數在天而致之則在人考之則在書是書圖集一册志爲八卷門分十六後之君子蒞是土而覽是志知目今國難方殷宜籌邊備故首以疆域地理天時人事有感遂通故繼以氣候人口庶而不富民生不遂故物產實業次之政教肇自官師故行政教育又次之禮義生於富足故金融風土又次之地因人靈文章蔚焉故人物藝術金石更次之至備述祥異通譯遐荒故事外僑亦關心時局者所不廢也書旣成將付剞劂覽閱是書體裁合榘取舍中規允符省府之規條足備一方之文獻故喜而爲之序

中華民國二十一年夏六月

海城陳富齡識

序

縣之有志猶國之有史家之有乘也掌故攸關文化所係豈容曠日失修故余每長一邑輒以修志一事列爲庶政首要本年秋奉檄來長是邦詢悉昌黎縣志已經前邑令監修竣事惟因經費無出尙未付刊功虧一簣不無遺憾地方各界士紳僉以本縣志書久未重修茲既續修脫稿應卽提倡付印俾早成書當今地方多故變亂迭出儻不幸而罹於兵燹詎非前功盡棄余深然之正擬付棗梨不期甫經動議而撫寧方面突生匪患警耗頻傳昌邑危急調團防守地方遂告戒嚴然於印志之念雖至軍書旁午仍未稍懈且每於防務會議附帶提出討論並力任設法墊款以促其成未嘗因武備當前而忘懷文事也幸經邑紳周運亨閻佩之張耀樞戴鼎元及本府科長李崇勳諸君子同力贊襄各界一致屬昌黎縣志

卷一

序

望付梓之議遂決更聘邑之宿儒張雲翮王壓叢兩先生代服勘校之勞始克成書余之願亦遂但昌黎縣志成於匪患猖狂烽煙未息之秋亦志乘中別開生面者也爰贅數語聊當緒言

中華民國二十二年歲次癸酉十有一月

安新梁

焄謹識

康熙年修志之姓氏

編定

昌黎縣知縣 王日翼 山西陽城舉人

校正

昌黎縣訓導 李維楫 定州人

昌黎縣典史 逯思仁 山東博平人

叅訂

貢生 張莊 臨邑人

纂輯

廩生 高培 邑人

廩生 田御梁 邑人

廩生 李桂林 邑人

昌黎縣志卷一

修志之姓氏

同治年修志之姓氏

裁定

特用同知直隸州知昌黎縣事 何崧泰 安徽鳳陽進士

參閱

昌黎縣教諭 于鏡蓉 滄州舉人

署昌黎縣訓導 李樹桐 深州人

署昌黎縣訓導 周世卿 衡水人

昌黎縣典史 劉應選 山西靈石人

監理

壬子副貢戶部郎中 張勝亭 邑人

纂修

壬午副貢候選直隸州州判前柏鄉縣教諭 馬恂 遷安人

續修

丙午舉人前雲南趙州知州 何爾泰安徽鳳陽人
分修

廩生 張萼亭邑人

附生 戴雲程邑人

採訪

戊午舉人 張藝林邑人

己亥舉人 高桂醴邑人

丙午舉人署定州學正 齊錫三邑人

己酉舉人沙河縣訓導 張俊亨邑人

辛亥舉人山東候補知縣 李圖瑞邑人

壬子舉人候選教諭 劉敬之邑人

昌黎縣志

卷一

修志之姓氏

二

壬子副貢戶部郎中 張勝亭邑人

己未舉人任縣訓導 齊贊廷邑人

歲貢 劉嘉遇邑人

廩生 王孝培邑人

增貢 田在心邑人

附貢 萬炳南邑人

附生 楊淩志邑人

附生 劉瀛渤邑人

附生 李岳東邑人

繪圖

附生 戴克昌邑人

校對